


IWE UKUGOMEZGA ICHI?

 Ndipo pambere ise tindarombe, ine nkhukhumba kuti ndiyowoye ichi, kuti usiku wamara, ine nkugomezga ukaŵa uwu, ine nkhayowoya kwa dona, “Usange iwe uchitenge waka ngati ndiumo ise tikaphalirikira kuti tichitire, kuti ichi chiŵenge. . .bonda wa mutu ukuru, uwu ungamanya kuphwa.” Ndipo mutu wa bonda ukaphwa, usiku wamara, hafu-yumoza wa inchi pakuchita kupima na chingwe. Ntheura dona wafika nayo kuno sono.

² Sono, chifukwa icho ine nanguchitira icho, mlongosi, chiri na chakulinga. Ukuwona? Usange iwe ungawona chinyake chakukoreka chachitika, icho chipangenge chipulikano chako kukura kuti urutirire kugomezganga ichi. Nyengo zinyake ine nkuchita icho kuti waka, panyake, ngati kumufumba munthu kuti wayimirire, wayende sitepu panji ziŵiri, yendeska woko lako, sunkhunyiska njoŵe yako, chinyake waka icho iwo ŵangachita chapadera, kuŵapanga waka iwo kuwona kuti vyose viri waka makora. Iwo ŵakuchita waka mantha na kughanaghana kuti ichi ntha chichitikenge, kweni ichi chikuchitika nyengo zose. Mukuwona? Ichi chikwenera kuchitika.

³ Kasi mbalinga ŵakukhumba kuti ŵakumbukirike mu kuromba, sono? Uli imwe mukwezge waka mawoko ghinu na kuti, “Fumu, perekani ichi”? Tiyeni ise tisindamiske mitu yithu.

⁴ Fumu, apo ise tikupulika sumu yiweme yakale iyi ya mpingo, yikalebeka na mubwezi wane wakutemweka, Paul Rader, “Gomezgani Waka,” ise tikughanaghana sono za mnyamata, wakiza na ŵapapi ŵake ku ŵasambiri, ntha kujumpha mazuŵa teni pamanyuma pakuti Yesu wakati waŵapa nkhongono zakufumiskira viŵanda na kuchizga ŵarwari, ndipo apa iwo ŵakathereskeka mwakukwana pa nthenda ya vizirisi. Ndipo iwo ŵakawona Fumu yithu yikwiza. Ndipo wiske wakachimbira ndipo wakati, “Fumu, mutilengere lusungu ise. Mwana wane wakomwa chomene na chiŵanda. Ine nkhamutorera iyo ku ŵasambiri Ŵinu ndipo iwo ŵakatondeka kumuchizga iyo.”

⁵ Yesu wakati, “Ine ningachita, usange iwe ukugomezga. Gomezga waka.” O Chiuta, Imwe ntha muli kusinthapo pachoko kufuma kale: Imwe ndimwe waka mweneyura wakutemwa, muweme, ndipo Chiuta wachisungusungu. Umo Imwe mukaŵira kale, ntheura ndimo Imwe muliri muhanyauno. Ndipo Fumu, ngati dada yura, ise tose tikulira, “Fumu, vwirani Imwe kuwura kugomezga kŵithu.” Ichi ntchipusu chomene; ise tikukhuŵara waka pa ichi, Ŵadada.

⁶ Ise tikukhumba kuti tipereke kwa Imwe viwongo na marumbo chifukwa cha kumukhwaska bonda muchoko yura usiku wamara, kuwona kuti mutu ula, uwo ukaŵa wakutupa, ndiko kuti, kuti chiwangwa chafumira kuwaro, uwu ukaphwa na hafu wa ichi usiku wamara. Ise ndise ŵakuwonga pa icho, Ŵadada. Apo ise tikumanya kuti madokotala ghithu ghalije chakuchitika mu kafukufuku wa ichi, palije icho iwo ŵangamanya kuchita pa ichi; kweni Imwe muchali ndithu Chiuta, Kaswiri wa masuzgo ghose. Ise tikumuwongani Imwe, Ŵadada. Ise tikumuwongani Imwe chifukwa cha kugomezgeka kwa mama uyu, na uweme, na kupulikira kufika na chingwe na kuŵika ichi pa chiduswa cha pepala, apa, kuti wawoneske ku gulu ukaboni wake ku uchindami wa Chiuta. Nkhuromba wake muchoko wakhale wamoyo ndipo waŵe mwana wakuchizigika, ku uchindami Winu.

⁷ Laŵiskani pa mawoko ghose ghala agho ghakwezgeka muchanya, Ŵadada. Lirilose la igho liri na chakusoŵeka. Ghane muchanya, naghoso, Ŵadada, ine ndiri nacho chakusoŵeka. Ndipo apa pali vinandi apa, mu mtundu wa kalata, panji mu kabokosi aka, awo mbakusoŵeka, ŵanthu awo mbakusoŵeka nadi. Zomerezgani ichi chichitike, Fumu, mwakuti waliyose wapokere chakupempha chawo usiku uwu. Nkhuromba iwo ŵatore ukaboni wa mama uyu ndipo ngati chiyerezgero waka kuwoneska kuti para Imwe mwayowoya chinyake, ichi chikuchitika. Ichi ndi. . .Imwe. . .Chose ise tikwenera kuchita ndi kupokera ichi na kuyowoya za ichi. Ichi ndi ntchito yakumalizigika.

⁸ Perekani, Fumu, mwakuti yiriyose ya makalata agha na mathaulo agha, ŵanthu awo ivi vyamkuŵikikapo, nkhuromba iwo ŵakachizigike. Waliyose uyo wangukwezga mawoko ghawo, Ŵadada, iwo ŵangamanya kupokera kukhumba kwa mtima wawo. Ise tikuromba ichi, mu Zina la Yesu. Amen. Imwe mungamanya kukhala pasi.

⁹ Ine nakhumbanga waka kuti ndimuwoneskeni imwe chingwe apa, icho dona (Apo imwe muli. U-nhu.) . . .kuti mutu wa bonda muchoko ukaphwa nadi umo Fumu yikatilayizgira ise mwa Mzimu Mutuŵa usiku wamara. Kasi Iyo ngwakuziziswa chara? Ntheura, chikutipa ise chilimbikisko chikuru chomene kuŵa na chipulikano na kugomezga.

¹⁰ Sono, para Yesu wakayowoya ku khuni lira, mu Marko 11:23, “Paŵavye munthu warye kufuma kwa iwe kufuma sono na kunthazi,” Iyo panji nthu wakachita kuchemerezga. Chifukwa umo, mu unenesko, Iyo wakachita ichi mwakuphweka chomene, mpaka ŵasambiri Ŵake mbwenu. . .Ine nkughanaghana kuti yumoza wa iwo wakamupulika Iyo. Ndipo ichi. . .Para wachizirisi yura, para ichi chikati chafika panthazi pa Fumu Yesu, mnyamata wakaŵa na kuzirika kukuru chomene iyo wakaŵapo nako; panyake, wakawa pasi ngati kuti iyo wakafwa,

kweni iyo wakamanya kuti iyo wakakumana na Munyake Uyo wakaŵa na chipulikano chikuru kuruska ŵapostoli ŵara.

¹¹ Sono, ine nikhumbenge munyake uyo ntha wakagomezganga mu machirisko Ghauzimu kuti wawone ichi. Yesu wakaŵapa iwo nkhongono zakuti ŵafumiskire mizimu, ndipo iwo ŵakatondeka. Ntha kuti nkhongono zikatondeka, kweni iwo ŵakatondeka. Yesu wakaŵaphalira iwo:

“Ntchifukwa uli ise tikatondeka kumufumiska iyo?”

Iyo wakati, “Chifukwa cha kuwura kugomezga kwinu.”

¹² Mpingo uchali ndithu na nkhongono. Chiuta ntha wali kufumiskamo nkhongono Zake mu mpingo, kweni mpingo ulije chipulikano chakukwanira kuti uchite pa ichi. Mbweni kwamara. Ntchipusu waka mwantheura. Ise tikuyezga kupanga ichi chinonono chomene nyengo zinyake, kweni mwakuphweka chomene umo mukulipangira Ivangeli, chenekocheneko imwe muŵenge nacho, para imwe mukukhala waka mwakuphweka na ichi: Chiuta wakayowoya ntheura; icho chikukhazikiska ichi; ndipo mbweni kwamara. Ndipo gomezgani waka ichi, rutiriraninge.

¹³ Para Yesu wakati, “Paŵavye munthu warye kufuma kwa iwe,” chifukwa, mahamba ghakaŵa waka ghaweme na ghakuŵara umo igho ghakaŵira kale. Chikwa chikawoneka mwakuyana, kweni kusi nkhanira ku misisi yira, umoyo ukayamba kufwa.

¹⁴ Ntheura ndimo ichi chiliri pa kansa, pa mtundu uliwise wa nthenda iyo—iyo imwe panji mungakhumba kughanaghana. Para imwe mungazomera Mazgu gha Chiuta, kunjira nkhanira kusi ku misisi, kansa panji yingamanya kuŵapo; woko linu panji lingaŵa waka lakomira. Icho ntha chiri na chakuchita na machirisko Ghauzimu. Ichi ndi, “Usange iwe untagomezga.” Mukuwona? Kusi nkhanira kumalo kunyake, ichi chafika kale pakuchitika.

¹⁵ Yesu wakati, “Usange iwe ungayowoya ku phiri ili, ‘Sezgeka,’ ndipo ntha kukayika mu mtima wako, kweni kugomezga kuti icho iwe wayowoya chizamuchitika, iwe ungamanya kupokera icho iwe ukayowoya.” Kasi icho ntchiweme chara? Kasi icho chikafumira kwa njani? Mwana wa Chiuta, uyo Mazgu Ghake . . . Kuchanya na charu chapasi vimarenge, kweni sono . . . kweni Mazgu Ghake ntha ghamarenge.

¹⁶ Sono, nthowa yimoza pera iyo imwe mungachitira icho, imwe mukwenera kuti muŵe na chakukhumba chakwenerera na chakulinga chakwenerera. Sono, usange ine nkharutenge kuwaro uku na kuti, “Ine ndimuwoneskeninge imwe kuti ine ningamanya kulisuntha phiri ili, ‘Sezgeka, phiri.’” Ili lingasezgeka chara. Chara nadi. Paliye kanthu kwali ine nkhaŵa na vichi. Ichi chikwenera kuti . . . Chakudanga imwe mukwenera kuti musange khumbo la Chiuta.

¹⁷ Ndicho chifukwa, nyengo zinandi mu mizere ya pemphero, ine—ine nkhusanga unonono ukuru chomene, ndi chifukwa chakuti ichi ndi chinyake icho chayendera mu mizere na vinyake ntheura, ndipo uko ndiko iwe ukuchisanga ichi. Kweni wonani, usange imwe muli na kwananga kwambura kurapa... Kasi imwe mukawonapo chakusuzga, pambere ine nindarombe kuti mzimu uheni ufumepo? Ine nkhwiluwoneseska suzgo lira mwakusimikizga nadi kuti ndipanikizge kuti ntha chirimo chinyake mu umoyo ula icho chingamanya kujandizga chirichose, wonani, chifukwa kumbukirani, pa vyawanangwa ivi, iwe ungamanya kunjira mu suzgo na ivi.

¹⁸ Chiuta, imwe mukukumbukira nyengo yimoza, wakapereka muprofeti... wakapanga muprofeti kufuma mwa munthu, Moses, ndipo wakamuphalira iyo kuti warute kusika, wakayowoye ku jarawe. Ndipo muprofeti wakakondwa chomene, ndipo wakaruta, ndipo wakatimba jarawe, kuyowoyanga za kufoka kwa Khristu, kuti Iyo wakayenera kuti wafwe nyengo yachiwiri panji kutimbika nyengo yachiwiri. Iyo wakaŵa na nkhangono kuwuska uwu, kweni ili ntha likaŵa khumbo la Chiuta.

¹⁹ Ine ntha nkhangomezga kuti likaŵa khumbo la Chiuta kuti Eliya wang'anamuke, chifukwa ŵana ŵara ŵakamusekanga iyo zakuti wakaŵa na chipala, ine ntha nkughanaghana kuti iyo wakayenera kuchita chira. Kweni iyo wakaŵa muprofeti, ndipo wakakwiya, ndipo iyo wakaŵika nthembo pa ŵana ŵara ndipo nkhamira ziŵiri zanakazi zikakoma ŵana ŵachokoŵachoko fote-thu ŵambura kafukwa. Mukuwona? Kweni ine ntha nkhangomezga iyo wakayenera kuchita chira. Ndipo ichi mbwenu—mbwenu... ise... .

²⁰ Chiuta, ine nkhangomezga muhanyauno, pambere Iyo wandaŵike mpingo Wake mu nkhangono, Iyo wakuwupima mpingo Wake kuti wawone icho uwu uchitenge.

²¹ Ise... nyengo yinyake, panyake, usange Fumu yazomerezga para ine ndawerako, ise tizamkuŵa na nyengo kuti tizakakhazikike pa chinyake ngati icho, pa chinyake icho chiri pafupi kuchitika, ndipo ntheura ise tizamumanya vinandi vya ichi nyengo yenyira.

²² Kweni usange imwe muyowoyenge waka lizgu, kuti, “Fumu, ine nkhangomezga ichi,” ntha kukayika, kung'anamura ichi mu mtima winu... .

²³ Sono, kuyowoya mwakuyezgerera, ine nkhaŵa mu dambo, ndipo ine ntha... . Ine nkhuharazga ku mamilioni gha ŵanthu, kweni kuseri waka kwa phiri kula, kuli gulu la ŵanthu kukwana wanu handiredi, ndipo iwo ŵakufwa kwambura kumumanya Khristu. Inya, ine ndiri na miliyoni kuno ŵakuti ndiŵapharazgire, kweni ndipouli, Chinyake mu mtima wane chikundiphalira ine, “Ruta ku ŵanthu ŵara. Ruta kwa iwo.

Iwo wákufwa.” Ine nkukhumba chara kuti ndirute ndamwene, kweni ndipouli muli Chinyake mwa ine. Wonani, uyo ndi Chiuta mwantheura, wakuchitachita. Wona kasi chakukhumba ndi vichi, wona kasi chakulinga cha kurutira ntchivichi, ntha cha wamwene. . . Sono, usange ine nkhuti, “Inya. . .” Usange chakukhumba chane ntchiweme chakuti ine ndirute kudera kula, kweni pamanyuma ine nkhwiza kuno ndipo kuno kuli phiri likuru, ine nkhuti, “Imwe mukumanya, usange ine ningachita nalo kanthu phiri lira na kuponoska wanthu wose wára handiredi, zuwa linyake iwo wázamkuwa na chikozgo kula: M’bale Branham, wa mishonare mukuru.” Sono, chakulinga chane ntchiweme chara. Phiri ntha liwenge. Chara, bwana.

²⁴ Kweni para chakulinga chane na chakukhumba viri makora, ndipo Chiuta mu mtima wane wakundirongozga ine, ndipo ine ningamanya kukwerapo pa phiri, kulizingirira phiri, kusi kwa phiri, ine ningamanya kuyowoya, “Phiri, sezgeka.” Panyake ichi. . . Para ine nkhuoyoya icho, ndipo ntha kusazgirapo kuruska kuyowoya ichi na mtundu ula wa mzimu wakwenera, kurongozgeka na Mzimu Mutuwa, mu khumbo la Chiuta, panyake ntha pangamanya kuwa kadontho kamoza kachoko kakuzura spuni ka phiri lira kubwanganduka, kweni ili liri pa ulendo wake. Zuwa lakurondezgako panyake pangamanya kuwa mapaundi ghaŵiri kubwanganduka. Zuwa lakurondezgako chigaŵa chimoza pa vinayi. Ndipo panyake mu mwezi umoza, five tanzi kubwanganduka. Kasi chikuchitika ntchichi? Panyake ntha mungamanya nanga nkchuwona ichi, kweni ili likuruta, liri pa ulendo wake. Ine ndikhalenge nkhanira penepapo na kuwona chinthu chikuchitika, chifukwa Chiuta wakayowoya nthaura ndipo icho chikukhazikiska waka ichi.

²⁵ Kasi iwe ungaghanaghana icho za mama wako kula usiku uwu? Viri makora, usange iwe ughanaghanenge ichi, iwo wákhalege makora. Viri makora. Icho ndikokuti usange iwe ukugomezga ichi: yowoya waka lizgu ndipo khala na ichi. Mukuwona? Gomezga waka ichi; koreska ku ichi. Ichi ndi Umoyo Wamuyirayira.

²⁶ Sono, machero kumuhanya. . . Ine nangumuphalira Billy, usiku uwu, kuti waghaleke waka makadi gha pemphero, ndipo ine nakhumbanga kuti ndiyowoye. Ine nkhuoyowoya mu unenesko, ine nakhala nkchuruta kufuma Janyuware, kwambuka nyanja, na kuwerako, mu Phoenix, nkhanira kukaya, na kuwerako, ndipo vyose mwakukwanira (kusanda kula) mpaka ine nkchufoka chomene kuti ine ntha nkhumanya apo ine ndayimirira nyengo zinyake. Ichi pafupifupi chikuwa ngati chandizimwa ine.

²⁷ Ndipo pamanyuma, ine nkchuwenera kuti ndirutenge, ndipo iwo. . . imwe—imwe wabale mukandichema ine kuti ndikhalire pa mazuwa ghanyake. Umo ine nkchuwongera icho. Ine nadi nkchughanaghana kuti ili ndi gulu liweme la wapharazgi kuno.

Nakhumbanga nthena ise tanguwa na nyengo yinandi pachoko ya wenenawene. Usange Fumu yazomerezga, ine ndizamkwizaso nyengo yinyake. Kulije chinyake, kuruta waka kufuma tchalitchi limoza kuruta ku linyake na kuzungulira mu msumba na kumuyenderani imwe mose. Ine ndizamkuwa wakukondwa kuchita icho: chirichose ine ningamanya kuchita kuti ndivwire Ufumu wa Chiuta, ndiko kuti, usange imwe mukhumbenge kuti ine ndichite ichi. Ndipo kuti mukize nyengo yinyake na kuzakawa nase na kuwa na uweme, ungoro uweme kumalo kunyake.

²⁸ Ndipo kumbukirani, wabale, ine ndimurombereninge imwe. Icho ndi chinthu chimoza nkhusimikizga. Ndipo ine nkhuumba kuti imwe mose mudirombere ine, imwe mose.

²⁹ Ndipo sono ine—ine ndiri. . . Machero mlenji ndi visopo vya mu tchalitchi mu matchalitchi ghaweme ghose agha ghakupambanapambana ghakuzungulira msumba.

³⁰ Sono, magulu ghanyake kufuma mu Jeffersonville ghali muno. Wabwezi wane wanyake, yumoza wa mathrastii ghane gha mpingo, wali muno, M'bale Fred Sothmann. Ine nthanga nangumuwona iyo mu ungoro. Ndipo m'bale. . . O, wanyake wanandi wabwezi wane kufuma ku mtunda kula ku Jeffersonville, wane pri- . . . mlembi wane kula na—na wose wali kuno, kumalo ghanyake mu ungoro. Ine ndichali ninda wawone iwo.

³¹ Ndipo wabale, kuli mipingo yinyake yiweme kuno mu msumba uwo. Ndipo mwa wanyake mose imwe walendo, sangani umoza wa iyi ndipo rutani ku mipingo iyi machero. Iwo wamkumuchitirani chiweme imwe, ine nkhuomezga. Iwo ndi wabale awo wakugomezga mu mtundu uwo wa utumiki. Ndicho chifukwa iwo wali kuno wakhala pa gome na pasi mu malo umu, chifukwa iwo wakugomezga mu ichi. Ndipo ine nkhuwawonga wanthu awo.

³² Fumu, tumbikani chigawa ichi cha Full Gospel Businessmen kuno awo—awo walipirira ungoro uwo. Kuli. . . Ine nkhuomezga uwo wanguwa unenesko, kuti wakalipirira ungoro. Ine. . . ine nkhuenda chomene pa kundilipirira kwawo, chifukwa mwenemula. . . Ise nthanga tikwenera kuwa mwantheura umu, kweni nyengo zinandi, wabale wakuzomerezga kupambana kuchokochoko: ngati munthu wakugomezga *chinyake* pachoko; muniyake, *chinyake* chichoko; Ichi chikuwa ngati chikupangiska kuyambana pachoko na vilonda vyakale kufuma kale chomene; ichi chikwenera kuti chipore kufika nyengo iyi, kweni ichi—ichi. . . Ndipo usange imwe. . . usange ine ndatora wa Full Gospel Businessmen, nthanga kachitiro ako kakuwa ngati kakovwira kumangirira ichi, ndipo ise tikwiza pamoza, ndipo ise tikuwa na wenenawene weneko pamoza, nyengo waka ziweme nadi. Ndipo ise tikuwonga icho.

Chiuta watumbike chigaŵa chira. Ine nkhuomezga Fumu yikayambiska ichi pa chakulinga.

³³ Sono...ndipo nthaura ine nkhaŵa na mwaŵi ukuru wakuwona malo gha M'bale Oral Roberts zuŵa linyake. Ndipo mwe, malo ghakuru uli, chinthu chakutowa uli. Ichi ndi—ichi ndi chikumbusko ku Pentekosite.

³⁴ Pamanyuma ine nkharuta ku gha M'bale Tommy Osborn, malo ghanyake ghaweme, munthu muweme wa Chiuta, uyo... M'bale Tommy na ine ndise waka ŵapafupi, ndipo M'bale Oral, nayoso, nkhanira ŵabale ŵapafupi chomene, ndipo ise tikutemwana yumozza na munyake, ndipo tikuyezga chomene kuti tichite chirichose ise tingafiska kuchitira uweme ŵanthu mu Ufumu wa Chiuta.

³⁵ Nthaura ine nkhuŵawonga chomene ŵanthu ŵara pakuŵa kuno mu msumba uwu pakati pa ŵanthu wose ŵaweme aŵa awo imwe muli nawo. Imwe mberere muli na ŵaliska ŵaweme. Ine mbwenu waka, ine ndiyowoyenge ichi ngati nthaura. Nkhuromba Fumu yirutirire kuŵa na imwe ndilo lurombo lwane. Ndipo sono machero kumuhanya, ine...Kasi chisopo chikuyamba nyengo uli, ŵabale? Thu-sate. Tiyeni tiyowoye wanu—wanu panji wanu-sate imwe mukwenera kuti muŵe pano nthaura iwo nthā ŵatimbanizganenge na visopo vinyake.

³⁶ Sono, usange ŵanyamata ŵachali ŵandamuphalireni imwe, usiku uwu iwo ŵali na mabuku ghanyake, vithuzithuzi na vinyake nthaura, na matepi, na marekodi, na...vya maungano, ndipo iwo ŵakuguriska ivi. Kweni ise nthā tizamkuŵazomerezga iwo kuguriska ivi pa zuŵa Lakupumura, machero. Kuŵavye mabuku nesi chinyake chirichose chizakaguriskike machero. Nthaura ise nthā...ise nthā tikazomerezga icho. Nangauli ŵanandi ŵakati, “Imwe mukwananga chomene...”

³⁷ Ndipo mulara Dada Bosworth wakatemwanga kundiphalira ine, “O, M'bale Branham, iwe ukunanga apo,” kweni umo ndimo ine nkchuchiwonera (Mukuwona?), ndipo ine—ine nkchuchiwona. Usange imwe mukukhumba limoza, iwo ŵakumupani imwe limoza, kweni usange imwe...Kweni ise nthā tingaguriska pa—pa zuŵa Lakupumura. Chara. Mbwenu kwamara. Usange ine nkhuomezga icho, ine nkhuwenera kuti ndikhale umoyo wa ichi, mbwenu...Ine nkhuwenera kuti ndikhale umoyo ichi ndamwene. Imwe mukuwona? Ndipo ine—ine nkhuwenera kuti ndikhale umoyo na kukhuzika kwane ndipo nthaura...Panji imwe mungamanya kutuma ku nyumba, ndipo, kukafika ku nyumba, kukafika ku malo na kuchisanga ichi.

³⁸ Sono usiku uwu, o, tiyeni tose tiruweko waka icho, o, kuti kuli ntchito yiriyose yakuti yichitike, panji chinyake chirichose, panji masuzgo gha zuŵa. Tiyeni tisezgere waka kumphepete chirichose, ndipo tilaŵiske mu Mazgu pa maminiti ghachoko, ndipo tiwone icho Chiuta wayowoyenge kwa ise kwizira mu

Mazgu Ghake. Ndipo rekani ine ndirombe kuti Chiuta watipe waka ise thumbiko likuru chomene usiku uwu.

³⁹ Gene, kasi iwe unganditorera iyo kwa ine? Kasi iwe unganditorera msungwana muchoko uyo kwa ine? Kasi iyo ndi kanthu kachoko kakutowa chara? Kasi iwe ungakhumba kuti urute ku nyumba na ine na kukaseŵera na Sara wane muchoko, pafupifupi kutalika kufika *apa*? O, iwe ungachita? Ine—ine ningatemwa kuti iwe uchite. Iyo wali pafupifupi msinkhu wako, ndipo iyo ndi msungwana muchoko wa Dada. Um-nhu. Um. Ndipo ine nkhuwomerezgana nawe—iwe ukuwatemwa Adada ŵako naweso, ukuchita chara iwe? Mama? O, nadi iwe ukuchita. Kamsungwana kachoko kakutowa chomene, ine ndakhala kuno, kumulaŵiskanga. Tumaso tuchoko tukuwoneka ngati vibowo viŵiri vyakotcha na moto mu bulangeti na—na sisi lichoko liswesi.

⁴⁰ Ine nkhuwatemwa waka ŵana ŵachokoŵachoko. Ine ndiri na ŵana ŵachokoŵachoko ŵaŵiri ku nyumba. Yumoza wa iwo ndi Rebekah ndipo yumoza munyake ndi Sarah.

⁴¹ Kuno kale chomene, ine nkhaŵa kuti ndafumapo. Iwo wose ŵaŵiri ndi ŵana ŵachokoŵachoko ŵa Dada, imwe mukumanya, ndipo ine nkhuwatemwa iwo. Ndipo para iwo ŵafika waka ine nkhuwenera kuti ndiŵanyamure iwo pa mapewa, ndipo . . . kweni Becky wakufika pa kukura chomene kumuchitira ichi; iyo ndi mukuru ngati ndiumo ine ndiliri. Iyo wangamanya kuphyora msana wane sono; iyo ndi . . . kweni iyo ndi mwana muchoko ndithu wa Dada, munthowa yiriyose. Ndipo sono, pafupifupi chirimika chinyake, ise tikukhumba kuti ise timutorere iyo ku sukulu ya Baibolo kumalo kunyake ndipo kutali na sukulu zinyake.

⁴² Ndipo pamanyuma, iwo ŵakalindizganga Dada, imwe mukumanya, kuti wafike ku nyumba. Ine nkhaŵa kuti nkharuta ku ungoro. Ndipo machero usiku iwo ŵazamulindizganga ine mpaka usiku pakati kuyezga kuti ŵandiwone. Ndipo nthura, ine nkhafika mwakucherera chomene ku mlenji, chamudera mu firi panji foru koloko. Ndipo mama wakiza ku muryango ndipo wakandijurirako ine, ndipo ine nkhaŵa kuti ndavuka chomene ndipo nkhaŵa, ine . . . Pano pa gome, ine . . . para a . . . ndazozgeka nkhopulika makora, kweni para icho chakuleka iwe, apo ndipo iwe ukuŵa mu suzgo. Kasi mbalinga ŵakamanyanga icho? Chifukwa, nadi ichi chiriko.

⁴³ Wonani. Eliya wakaruta pa phiri ndipo wakachema moto kufuma kuchanya, wakachema vura kufuma kuchanya, ndipo pamanyuma para Mzimu ukati wamuleka iyo, iyo wakachimbirachimbira mu mapopa mazuŵa fote ndipo Chiuta wakamusinga iyo, wakabisama mu mphanji kumalo kunyake.

⁴⁴ Yona, iyo wakanjira ndipo wakakhala wamoyo mu nthumbo ya somba mazuŵa ghatatu na mausiku, wakathunyikira

kuwaro mumphepete mwa nyanja ndipo wakayendayenda kupharazganga. Msumba wose ukarapa ndipo wakiza kwa Chiuta. Ndipo para kuzozga kukati kwamuleka iyo, iyo wakaruta pachanya pa phiri ndipo wakaromba Chiuta kuti watore umoyo wake. Mukuwona?

⁴⁵ Ine nkhayimirira pafupi na dindi la William Cowper, nthā kale chomene, uyo wakalemba sumu yakutchuka yira iyo ise tikugwiriska ntchito pa chisopo cha monesko:

Kuli Mbwiwi Yakuzura na Ndopa,
Kutoreka ku misempha ya Immanuel,
Uko wakwananga wakanjira kusi kwa
chiziwa...

⁴⁶ Kasi imwe mukapulika icho iyo...chikachitika kwa iyo? Para ukhuwirizgi ukati wamuleka iyo kufumapo apo, iyo wakayezga kuti wasange mronga kuti wajikome.

⁴⁷ Ine nkhuKhala nkhanira kusirya kwa Nyumba yakale ya ku Kentucky. Ndipo Stephen Foster wakapereka ku America sumu zake zakutchuka za myambo yakale. Ndipo para iyo wakati walemba, wakanjira mu ukhuwirizgi, ukhuwirizgi ula, wakalemba sumu, nthaura para iyo wakati wafumamo mu uwu, iyo wakamanya kuruta na kukarowera. Paumaliro, wakachema wantchito ndipo wakatora rezara ndipo wakajikoma.

⁴⁸ Wanthu wakumanya chara icho wanthu awo wakukhala umoyo mu chigaŵa cha uzimu wakwendamo. Sono *muno*, iwe ukujiwona ngati kuti iwe ungasuntha phiri. Kweni zomerezga waka kuzozga kukuleke iwe, ndipo uyambepo kufuma pa muryangō ula (usange kulije munyake wakuti wakukore iwe, wona) ndipo pamanyuma, panyake pa maora ghachoko iwe ukutondeka, ukuziwa kasi iwe ulinkhu. Ndipo nthaura usiku pamanyuma pa usiku, icho chikutora chiweme chomene cha iwe.

⁴⁹ Ndipo muchoko...Nkhukhumba kuti ndimuphalireni imwe za Sarah muchoko na Rebekah. Nthaura mlenji wakurondezgako, ine nkhatondeka kugona, ndipo ine mbwenu nkhwuka, nkakhala mu mpando, ndipo pakati pajumpha kanyengo Becky, pakuŵa mulara, iyo wakaŵa—wakaŵa na marundi ghatali kuruska gha Sarah, ndipo nthaura Becky wakiza wakuchimbira...wakawuka, wakaduka kufuma pa bedi, kwambura kumuwasuka munung'una wake muchoko, ndipo apa iyo wakwiza mu nyumba, kuchimbiranga mwankhongono umo iyo wakamanya kuchitira. Iyo wakayowoyanga, “Dada, Dada...” Ine nkhanoroska limoza la marundi ghane, ndipo iyo wakaduka kutangalarapo apo, kubalansa makora chomene. Kuŵa ngati a—mpingo wasono, imwe mukumanya, uwu uli kuŵa mu seŵero kwa nyengo yitali, imwe mukumanya, pa virimika mahandiredi ghanandi. Iyo wakamanyanga kujibalansa iyomwene makora waka, ndipo iyo wakaŵika mawoko ghake

kundikumbatira ine ndipo wakati, “O, Dada wane, Dada wane . . .”

⁵⁰ Ndipo Sarah muchoko wakaŵa, mu chiwawa, wakawuka. Inya, ine nkhumanya chara kwali ŵana ŵinu ŵakuchita ichi panji chara; ŵane ŵakuchita: Yumoza mwanichi wakuvwara vya mukuru wake. Ndipo nthaura Sarah wakavwara ghakugonera gha Becky, marundi kutalika pafupifupi chomene nthaura, imwe mukumanya. Ndipo apa iyo wakwiza, munthu mufupi pachoko nthena, kuwanga, kukhuŵaranga. Ndipo iyo wakafika kula, mwakuchedwa pachoko. Nthaura Becky wakang’anamuka, wakati, “Sarah, munung’una wane, ine nkikhumba kuti ndikuphalire chinyake iwe.” Iyo wakati, “Ine ndine nangudanga kufika kuno. Ndipo ine nkhumulira. Nthaura ine ndiri na Dada yose ndipo palije chakukhalirako iwe.”

⁵¹ Umo ndimo ŵanthu ŵanyake ŵakuyezga kughanaghana za kusopa, ndicho chara ichi? U-nhu. Uwo mbunenesko.

⁵² Ndipo Sarah muchoko wachitima, iyo wakalepetura mlomo wake uchoko, ndipo maso ghake ghafipa ghachoko ghakalaŵiska muchanya kwa ine, ndipo iyo wakayamba kulira. Ndipo Becky wakanyekezga thama lake ku lane, kundikumbatira ine. Ine nkhumutemwa iyo. Ndipo Sarah wakayamba kufumapo chifukwa Becky wakaŵa na Dada yose. Ine nkhanoroskera khongono linyake kuwaro ngati *nthaura* ndipo nkhamuchewuzga iyo ngati *nthaura*. O, iyo wakanyamuka nkhanira mwaluŵiro ndipo wakachimbira, wakadukira muchanya pa khongono lane nthaura . . . Iyo nth wakaŵa pafupi nyengo yitali chomene ndipo marundi ghake nth ghakamanyanga nanga nkikhwaska pasi. Iyo wakaŵa ngati wakagwederanga pachoko (panyake, ngati umo ine ndiliri, wakagwederanga waka pachoko, imwe mukumanya), ndipo iyo nth . . . nth wakamanyanga kukhwaska pasi. Iyo nth wakaŵa bungwe likuru, imwe mukumanya, nthaura iyo wakatondekanga kukhwaska pasi pakukhola. Iyo nth wakaŵa pafupi nyengo yitali.

⁵³ Ndipo nthaura, iyo wakaŵa ngati wambura kukhora pachoko, ndipo ine nkhaonya mawoko ghane ghose kumukumbatira iyo ngati *nthaura* ndipo nkhamuhagira muchanya kufupi na ine, ndipo iyo wakang’azimiska maso ghachoko ghafipa ghara, ndipo wakalaŵiska kunyuma kwa Rebekah. Iyo wakati, “Rebekah, mukulu wane,” iyo—iyo wakati, “panyake ungaŵa unenesko kuti iwe uli na Dada yose, kweni ine nkikhumba kuti iwe umanye chinthu chimoza: Dada wali na yose wa ine.” Nthaura . . .

⁵⁴ Icho ndi . . . Mbweni nthaura Iyo wali na yose wa ine. Ine panji nth ningaŵa na masambiro kuti ndirongosore vinthu vikuruvikuru, kweni malinga kuti ine nkhumanya Iyo wali na yose wa ine, mu kugwadera kwane, kumuzomerezga waka

Iyo kuŵa na mawoko ghose ghaŵiri kumukumbatirani, ichi chindipangenge waka ine kupulika makora.

⁵⁵ Inya, tiyeni tipereke lizgu linyake lichoko la lurombo kwa Iyo pambere ise tindajure Mazgu.

⁵⁶ Sono, Ŵadada Ŵakuchanya, ise tikumanya kuti ise tiri waka ngati ŵana nateso. Ndipo—ndipo Imwe mukutemwa kuŵa na ise, na kusopa na ise. Ndipo apo ise tikumusopani Imwe, ndipo Imwe mukutitemwa ise, ndipo mukutikhozga ise mu mawoko Ghinu, ndipo tumani Mzimu Mutuŵa Winu, ndipo mutipange ise timanye kuti Imwe ndimwe wamoyo ndipo Imwe ndimwe Dada withu, ise tikumuwongani chomene Imwe. Sono, zomerezgani Mzimu Mutuŵa wafike kwa ise usiku uwu. Temwani mtima uliwose, Fumu. Mutipe ise thumbiko liphya. Pungulirani jumi la lusungu pa ise, Ŵadada. Ntha mungalaŵiskanga pa zakwananga zithu. Izi ndi zinandi chomene. Fumu, zigowokereni waka izo. Khwachani izi, Ŵadada, ndipo mutitorere waka ise mu mawoko Ghinu, ndipo—ndipo chizgani maurwari ghithu, ndipo—ndipo tozgani mauzima ghithu, ndipo pangani mizimu yithu yimasuke, Fumu, mwakuti ise tingamanya kumusopani na kumurumbani Imwe, kuŵa ngati ŵana ŵachokoŵachoko kuchimbiranga kuzungulira nyumba, kumanya waka kuti Dada wakutilaŵiska ise. Perekani ichi, Fumu.

⁵⁷ Sono, kulije munthu ngwamagomezgeko kuti—kuti wangamasulira Mazgu. Ise tikumanya icho. Yohane wakawona Buku mu woko la maryero la Iyo uyo wakakhala pa chizumbe, ndipo kukaŵavye munthu kuchanya, panji mu charu chapasi, panji kusi kwa charu uyo wakaŵa wakwenerera kutora Buku kuti walijure ili, panji kuti wamasure vididimizgo. Ndipo kukiza Mwanamberere, uyo wakakomeka kufuma ku mtendeko wa charu. Ndipo Iyo wakaŵa wakwenerera. Ndipo Iyo wakatora Buku, ndipo wakamasura vididimizgo, ndipo wakajura Buku. O Mwanamberere, zaninge usiku uwu. Jurani Buku kwa ise, Ŵadada, apo ise tikulindizga kwa Imwe, pakuti ise tikurumba ichi mu Zina la Yesu, Mwanamberere wa Chiuta. Amen.

⁵⁸ Ine ndasankha usiku uwu, vesi lichoko la Lemba apa la mazgu ghatatu. Kweni chakudanga ine nkhuKhumba kuti ndiŵazge vesi panji ghaŵiri kufuma mu Yohane Mutuŵa, chipatulo 11 kuyambira na vesi 23.

Yesu wakanena nayo, Mudumbu wako wawukengeso.

Marita wakati kwa iyo, ine nkhumanya... iyo wazamuwukaso mu chiwuka pa zuŵa laumaliro.

Yesu wakanena nayo, Ine ndine chiwuka na... umoyo: iyo uyo wakugomezga mwa ine, nangauli iyo wangafwa, kweni iyo waiwenge wamoyo:

Ndipo walijose uyo ngwamoyo ndipo wakugomezga mwa ine ntha wazamkufwa. Iwe ukugomezga ichi?

Mwanakazi wakanena nayo, Inya, Fumu: ine nkhuomezga kuti imwe ndimwe Khristu, Mwana wa Chiuta, uyo wakwenera kuti wize mu charu.

⁵⁹ Ndipo kuwa mutu ine nkhuhumba kuti ndigwiriske ntchito mazgu ghatatu agha: *Iwe Ukugomezga Ichi?*

⁶⁰ Ine nkhaŵazga nkhani nyengo yinyake kale. Ine nkhuhanaghana iyi yikaŵa nkhani yakuchita kuyata. Ndipo pafupifupi wapharazgi wose, ine nkhusachizga, wali kuwazga buku la Dr. Ingraham za—za *Kalonga Wa Nyumba Ya David*. Ili ndi buku likuru. Ili ndi, ine nkhuhanaghana, wali kuleka kudinda. Ine nkhuhumba kuti ili lidindikeso, nthura ine ningamanya kugaŵa ili pakati pa wanthu.

⁶¹ Ndipo mkati mwenemula, ine nkhaŵazganga nkhani yichoko pa Lazaro uyu, na pa Yesu, na Mariya, na Marita, kuti, wadumbu wa Lazaro. Ndipo ine nkhaŵazganga mkati mwenemula kuti uko Yesu wakakhalanga, ine nkhuomezga, na Marita na Mariya. Iwo wose wawiri wakaŵa wasungwana wa Chihebere wachitemwa. Ndipo Lazaro wakasambiranga panji kusambizgikanga kuti wawe mlembi pa tempile, kupanganga makalata gha dango la wasofi.

⁶² Ndipo Yesu wakaŵa na wenenawene ukuru, chomenechomene na Lazaro. Para ise tikuwazga mu buku kuti uko Iyo wakiza ku nyumba yawo, ndipo Marita wakaŵa wakuziwulika pachoko za kutegherezanga ku mazgu Ghake, kwani iyo wakayenera kuti wanozge chakurya na kuwika pa thebulo, kwani Mariya wakakhala pa marundi Ghake. Ndipo Yesu wakati Mariya wakasankha vinthu viweme.

⁶³ Ndipo pamanyuma, ise tikaphalirika kuti Lazaro ndiyo wakaŵa mweneuyo wakiza na Yesu kwa Yohane, mu nkhani ya buku la Dr. Ingraham, ndipo... pa *Kalonga Wa Nyumba Ya David*. Ndipouli, uwo panji ntha ukaŵa unenesko, ine nkhumanya chara, kwani pa kuyambirapo waka pa ichi, kwani Iyo wakayenera kuti wakakhalanga na iwo.

⁶⁴ Sono, ise takhala tikusambira yikwiza iyi, sabata yamara iyi, mphanyiko, kuti Yesu wakayowoya mu Yohane Mutuwa 5:19, “Ine... Mwana ntha wangachita chirichose mwa Iyoyekha, kwani icho Iyo wakuwona Wadada wakuchita: icho ndicho wakuchita Mwana nayoso. Dada wakuteŵeta ndipo Mwana wakuteŵeta mwakuyana.” Mukuwona? “Icho Iyo wakuwona Wadada wakuchita.”

⁶⁵ Nthura kuti tipange iyi kuwa nkhani yeneko, Dada, Chiuta, wakayenera kuti wakayowoya kwa Mwana Wake, Yesu, ndipo wakati, “mubwezi wako, Lazaro, wafwenge, kwani ichi chiwenge na chakuchitika chiweme, nthura Iwe ufumepo pa nyumba. Ruta kutali, chifukwa wakufumbenge Iwe kuti umurombere iyo, panji, kumuchizga iyo, ndipo—ndipo Ine nkhuhumba chara kuti Iwe uchite icho.” Usange imwe

muyiwonenge nkhani apo ise tikurutirira, imwe muwonenge kuti iyi yikuwunjikana ku unenesko weneula wa icho. Ntheura, Yesu, kwambura waka ntchenjezgo panji chinyake, wakafumapo pa nyumba ndipo wakaruta kumalo kunyakeso, nthu wakawerako usiku ula. Ndipo Iyo wakaruta ku misumba yinyake. Ndipo para Yesu wakati wafumapo waka pa nyumba, mbwenu suzgo likanjira.

⁶⁶ Ndipo para Yesu wafumapo pa nyumba yinu, suzgo liri pa ulendo wake. Kumbukirani waka, para Iyo wafumapo pa nyumba yinu, suzgo liri mu nthowa. Para imwe mwatora magulu ghandchezgo na chirichose kuchitikanga mu mpingo winu nkhanira mwakufikapo, ngati kayipi yikuru ya sikisitini Rickenbacker, ndipo imwe mukumuleka Yesu kufumamo mu ichi, para Yesu wafumamo mu mpingo winu, suzgo liri pa ulendo. Inya, bwana, para Yesu wafumamo mu bungwe, kuti iwo wamuwika Iyo kumphepete na kuti, “Inya, sono ise nthu tikugomezga kuti vinthu ivi vingamanya kuwa ndendende vyaunenesko,” ndipo imwe mukutora chinthu chinyake, suzgo liri pa ulendo wake. Kumbukirani waka icho.

⁶⁷ Chikundikumbuska ine za nkhanu ya Fumu Yesu, iyo yikusangika mu Buku la Luka. Imwe mukumanya para Iyo wakaŵa waka mnyamata wa pafupifupi virimika thweluvu, wanthu Wakwaka wakamutora Iyo, umo mwambo ukawira chirimika chirichose, kumtunda ku chiphikiro cha Pentekosite. Ndipo apo iwo wakaŵa mu msumba wa Yerusalemu pa chiphikiro ndipo wakawanga na nyengo yiweme, ise tikusanga mu Baibolo, kuti iwo wakayenda mazuwa ghatatu kwambura Iyo. Ndipo kuti iwo wakaghanaghana kuti panyake, wakatora waka ichi kuti ndimo vikuwira, kuti Yesu wakayenera kuti wakaŵa pakati pa wabale wawo wanyake. Sono, ise tingachita chara icho. Para iwo wakati wafika kuti wapenje mukati mwa wabale wawo kuti wafufuze, Iyo wakaŵamo chara.

⁶⁸ Ndipo ise nthu tingatora ichi kuti ndimo kukuwira, chifukwa chakuti ise ndise wa Methodist, Baptist, Prezibetere, Pentekosite, ndipo chiyambi chithu na wasekuru withu wakaŵa wakugomezga wakuru, ise tikutora waka ichi, inya, kuti ndimo vikuwira, Yesu wali na ise. Ise tingachita chara icho. Ise tikwenera kuti tikhwaskanenge na Iyo zuwa lirilose na miniti yiriyo. O, ine nkhuichitemwa icho.

⁶⁹ Ine nkhuichumba icho Chiuta wali sono. Icho wapapi wane wakaŵa nacho, icho wasekuru wane wakaŵa nacho, ntchiweme, kweni (Icho iwo wakaŵa nacho ntchiweme.) Ine nkughanaghana kuti ise tiri patali chomene mu msewu.

⁷⁰ Tiyeni tiwone icho Iyo wali muhanyauno. Ine nkhuichumba chara kulaŵiska kunyuma na kuwona icho Mr. Moody wakachita, chifukwa ise tiri patali chomene mu msewu kuruska Mr. Moody. Suzgo na mipingo yithu ise tikulaŵiska kunyuma

na kuti, “Inya, tiyeni tiwone icho Mr. John Wesley wakayowoya, icho wANJI wA iwo wakayowoya.” Ndicho chifukwa sayansi yiri patali chomene mu kuchita kwawo, kuruska umo kusopa kuliri mu vyake.

⁷¹ Kuno virimika firi handiredi vyajumpha, wasayansi wa Chifrenchi wakasimikizgira kuti usange iwe ungachimbira pa sipidi yikuru ya mitunda sate-fayivi pa ora, nkhongono yakukuguzira pasi yingamanya kukufumiskapo iwe pacharu chapasi. Imwe mukughanaghana kuti sayansi yingamutoreranisio imwe ku icho muhanyauno? Iwo wakuchimbizga pa mitunda nayintini handiredi pa ora ndipo wachali kurutirira. Iwo wakurazga kunthazi, kulaŵiskanga kunthazi. Kweni ise tikukhumba kulaŵiska kunyuma na kuwona icho Moody wakayowoya; Sankey wakayowoya; Finney wakayowoya; Knox, Calvin; wANJI wA iwo. Icho iwo wakayowoya chikaŵa makora waka. Chira chikaŵa cha muwiro wawo, kweni ise tikuruta munthazi.

⁷² Asekuru wane wakakwera ngolo. Ine nkhuyendeska Ford V8. Mwana wane wazamutchika ndege ya jeti. Ndiko kuti, ise tikuruta munthazi. Icho ndicho kusopa kukwenera kuŵira. Kwiza kwa Fumu kuli pafupi. Mpingo ukwenera kuti urutenge munthazi mu nkhongono zawo. Sayansi yingamanya kukwera muchanya chomene ndipo pamanyuma iyi yikwenera kuti yikhire, kweni ise tiri na malo ghambura kusweka, agho ntha ghali kukhwaskikapo, gha nkhongono, ghambura kugota, gha Chiuta, agho ise tikwenera kuti tinjirengemo. Ise tikukhala umoyo mitunda mamiliyoni kutali na mwaŵi withu usiku uwu, wa myaŵi yakuti Wakristu wAnjoyenge. Ine nkhuchita soni ndamwene para ine nkhulaŵiska kuwaro uku na kuwona vipatala, na maurwari, na masuzgo agho ghakuchitika sono nthena. Mpingo withu ukwenera kuti uyendenge mu msewu, kuchizganga warwari, kuwuskanga wakufwa, kufumiskanga viwanda, kuchitanga vimanyikwirowo na vyakuziziswa, kupanga charu chose kumanya kuti Yesu Khristu ngwamoyo. Icho ndicho ise tikukhumbikwa kuti tichitenge.

⁷³ Chifukwa, imwe mukuti, “Mr. Moody ntha. . .” Mr. Moody ntha wakakhalanga mu nyengo iyi. Uwo mbunenesko. Ise tikukhala mu Kwiza kwa Fumu. Ndipo ise tatora waka ichi kuti ndimo vikuŵira kuti Iyo wakaŵa na wabale withu. Kweni zuŵa linyake para murwani wakimikana na Mr. Graham, ise tikusanga kuti Iyo ntha wakaŵa pakati pa wabale withu.

⁷⁴ Kasi iwo wakamusanga nkhu Iyo? Kasi—kasi iwo wakamusanga nkhu Yesu? Nkhanira uko iwo wakamuleka Iyo. Kasi iwo wakamuleka nkhu Iyo? Pa chiphikiro cha Pentekosite. Kasi ise tikumuleka nkhu Yesu, kasi mpingo ukamuleka nkhu? Pa chiphikiro cha Pentekosite. Para ise tafumako ku nkhongono yakale yira ya Pentekosite na chiphikiro cha Pentekosite, ise

tikufumako kwa Yesu. Uwo mbunenesko nadi, mubwezi. Ise tikukhala ngati tilije mwaŵi withu. Inya, bwana.

⁷⁵ Iwo ŵakamuleka Iyo pa chiphikiro cha Pentekosite, ndipo ghara ndi malo ghekha pera uko Methodist, Baptist, Prezibetere, na ŵa Pentekosite ŵamusangenge Iyo, ndi kuruta kuwerera uko imwe mukamuleka Iyo. Kasi chirinkhu chimwemwe cha Fumu? Kasi yirinkhu nkhongono ya Fumu? Mpingo ukufumba muhanyauno, “Kasi—kasi chikachitika ntchichi kwa Chiuta wakale?” Iyo wakulindizga ŵanthu Ŵake kuti ŵamuchemerenge Iyo pa malo. Kweni a . . .

⁷⁶ Ise tingachita chara ichi kwizira mu mabungwe. Ise tingachita chara ichi munthowa ya kumanya malingaliro gha m’mutu. Ise tingachita chara ichi munthowa ya masamu, panji ise tingachita chara ichi na masambiro. Ise tikujipatulako taŵene, kugaŵikana taŵene. Ise ntha ndise ŵakugaŵikana. Ise nadi ndise munthu yumoza mwa Khristu Yesu. Ise tose ndise yumoza mwa Khristu, ndipo mabungwe ghithu ntha ghazamuchita ichi. Umo igho ghaliri ghaweme, igho ntha ghazamuchita ichi. Masambiro ghithu ndigho chakujandizga chikuru chomene icho Ivangeli liri kuŵapo nacho, ndi masambiro.

⁷⁷ Icho ise tikukhumba ndi masambiro chara. Ise tikukhumba nkhongono na chiwoneskero cha Mzimu Mutuŵa kuwereraso mu mpingo kuti uwoneskere nkhongono. Yesu ntha wakati, “Rutani mu charu chose ndipo—ndipo mukasambizge.” Iyo ntha wakati, “Rutani mu charu chose ndipo mukachite . . .” Iyo wakati, “Rutani mu charu chose ndipo mukapharazge Ivangeli.” Ndipo Ivangeli ndi kuwoneskera nkhongono za Mzimu Mutuŵa, chiwuka. Ise tikupereŵera ndithu mitunda mamiliyoni kuruska uko ise tikwenera kuŵa. Tiyeni ise tirute munthazi. Tiyeni tiwerere uko ise tikamuleka Iyo pa chiphikiro cha Pentekosite.

⁷⁸ Yesu wakayowoya, mu Yohane, ine nkugomezga, chipatulo 15, Iyo wakati, “Ine ndine Mpheska; imwe ndimwe minthavi.” Inya sono, usange Mpheska yira yaphuka munthavi wakudanga, ndipo kufuma ku munthavi ula ŵakalemba Buku la Milimo, munthavi wachiŵiri upangenge Buku linyake la Milimo. Munthavi wachitatu upangenge Buku linyake la Milimo. Ndipo munthavi uliwose uwo ukuphuka kufuma ku Mpheska yira uŵenge ngati ndiumo munthavi wakudanga ukaŵira.

⁷⁹ Sono, imwe mungamanya kufyatikamo, ise tikumanya icho. Ine ndiri kuliwona khuni la citrus liri na pafupifupi mitundu eyiti yakupambanapambana ya chipaso pa ili. Ine ndiri kuliwona khuni la orenji likupambika vipaso vya magirepi, na mazobara, na chinyake chirichose pa ili, kweni ivi vikachita kubatikikamo.

⁸⁰ Icho ndicho chachitika muhanyauno. Ise taŵikamo fundo zithu, taŵikamo mabungwe ghithu, kweni usange khuni lira liphukenge mpheska yinyake ya chipaso, ilolekha, ichi

chiwenge ngati vinyake vya pakudanga ivyo vikanjira mu ichi. Haleluya! O, mpingo ukumanenge pamoza, kweni ise tikukhumba nkhongono ya pakudanga. Ise tikukhumba Mzimu Mutuwa, nkhongono ya chiwuka cha Yesu Khristu. Icho ndicho Iyo wakatiphalira ise kuti tichitenge.

⁸¹ “Ine ndine Mpheska, imwe ndimwe minthavi.” Usange mpheska ya girepi yamera mphukira, ndipo iyi yababa magirepi ghaweme gha blu, mpheska yakurondezgako iyi yimerenge yiwenge na magirepi ghaweme gha blu pa iyi. Usange Mpheska yakudanga yamera, ndipo izi zikafika pa kukhwaskika na Mzimu Mutuwa, ndipo izo zikachita minthondwe yikuru, na vimanyikwiro, ndipo zikadidimiza maukaboni ghawo ku charu. . . Nanga ndi wanandi wa iwo na ukaboni wawo, iwo, na ndopa zawo, iwo wakadidimiza ukaboni wawo. Iwo wakajumphu mu mitundu yose ya maurwani na chirichose kuti wapereke Ivangeli. Iwo wakasuzgika; iwo wakatimbika; iwo wakalangika. “Kasi ise tinyamulikire ku kukaya Kuchanya munthowa yakuphweka, apo wanyake wakarwa kuti wasange njombe, ndipo wakayenda mu viziwa vya ndopa?” Kasi ise tikukhazga kuti tichitenge vichi? “Ine nkhuenera kurwa usange ine nkhuenera kuti ndiwuse. Kuzgani chikanga chane, Fumu.” Nadi. Ise tikukhumba a . . .

⁸² Ise ntha tikukhumba bungwe liphya. Ise ntha tikukhumba nyumba yiphya ya tchalitchi. Icho ise tikukhumba muhanyauno ndi nyengo zakale za kumizi, zuwa lakotcha, chisisimuso cha Chipentekosite chakukoma kwananga, icho chikababika pa Pentekosite ndipo chawereraso mu mpingo, nkhongono ya Mzimu Mutuwa kamosaso, kuti yimutorere Yesu pa malo.

⁸³ Chiuta wa mudauko nyengo zose wakwiza pa malo mu nyengo yakofya. Ise tikuchikhumba ichi. Icho ndicho chikuchitika na mpingo withu muhanyauno. Ise tikuwera kunyuma chomene. Ise tikuwira mu mafashoni gha charu. Ndipo pachokopachoko, chirimika na chirimika, uwu ukuyamba kufwa pachoko ndipo ukumara.

⁸⁴ Nyengo yake yakuphatika yiri nkhanira pafupi. Chiuta wazamkuwudumura uwu mwakusimikizga umo ine ndayimirira pa gome ili. Chiuta wazamkuwudumura uwu kuwupanga uwu kuti upambike chipaso. Iyo wazamkudumurako milimo ya charu ku uwu limoza la mazuwa agha. Chasoni chantheura, umo mpingo uli kuchitira uheni pasi pa zina la kusopa.

⁸⁵ Ndipo ise tikusanga kuti, para Yesu wakati waruta, nyifwa yikanjira. Para Yesu wafumapo pa mpingo withu, nkhongono ya Mzimu Mutuwa yikufumapo pa mpingo withu, uwu ukuyamba kufoka ndipo—ndipo ukufwa. Ndipo para pajumphu kanyengo ntha pakuwa chinyake chakukhalako ku uwu. Sono, para Yesu wakati waruta, nyifwa yikanjira. O, kasi iyi yika wa nyengo yachtima uli.

⁸⁶ Ndipo wonani, iwo wákapenjapenja, ndipo iwo wákamuchemeska Yesu, ndipo Iyo wakiza chara. Iwo wákamuchemeskaso Iyo, ndipo Iyo wakiza chara, kweni Iyo wakamanya icho Iyo wakati wachitenge. Iyo wakumanya usiku uwu, icho Iyo wachitenge. Ichi nthā chatayika na Iyo: Iyo wakumanya makoraghe icho Iyo wakunozgekera kuti wachite. Iyo wazamkuwuska wānthu, nkhanira mwakusimikizga ngati ndiumo ine ndayimirira pa gome ili. Iyo wazamkuwuska wānthu chifukwa cha Zina Lake kufuma mu muwiro wa Wāmitundu. Iyo wazamuchita ichi.

⁸⁷ Nyengo ya Wāyuda yiri nkhanira pafupi sono, ndipo ya Wāmitundu yikumara, chifukwa iwo wārutirira waka kupuruka. Iwo wákumukana Khristu; iwo wákukana vimanyikwiro vyawo; iwo wákukana chirichose icho chikuchemeka uchiuta, ndipo wákuchema ichi ngati mtundu unyake wa kumanya malingaliro panji nkhangono ya devulu ndipo wákuchita. . . Iwo wákutuka Mzimu Mutuwa ndipo wákujijarira iwo wene kutali na Chiuta. Ndipo Chiuta wazamutora wachoko wāra, para pajumpha kanyengo, na kuwusira uwu ku Mpingo wankhangono, ndipo pamanyuma kuwezgera Mzimu ku Wāyuda, na kutorera Mpingo wa Wāmitundu kukaya. Nkhanira ndendende. Uwu uli mu kupangika sono. O, umo, ise tiliri ku umaliro sono, pafupifupi.

⁸⁸ Yesu, Iyo wakamanya. Ndipo pakati pajumpha kanyengo Iyo wakati, “Mubwezi withu, Lazaro, wagona tulo.”

⁸⁹ Chifukwa, wāsambiri wákaghanaghana kuti iyo wakapumurangapo pachoko. Iyo wakati, “Inya, usange iyo wakugona tulo, iyo wakuchita makora chomene.”

⁹⁰ Inya, Iyo wakayowoya mu Ghake. . . mazgu ghawo, mwakuti iwo wapulikiske, wakati, “Iyo wafwa, ndipo pa chifukwa cha imwe Ine ndiri wakukondwa kuti Ine nkha wāpo chara.” Mukuwona? “Pa chifukwa cha imwe, Ine ndiri wakukondwa Ine nkha wāpo chara.” Chifukwa iwo nthena wákamufumbanga Iyo kuti—kuti wamuchizge—kuti wamuchizge iyo, kweni Iyo wakamanya Iyo nthena wakachita chara ichi, chifukwa mboniwoni yika wa yichali. . . pamanyuma pa mazu wa ghanayi ghara Iyo wakamanya yira yika wa nyengo iyo Wadada wákamuphalira Iyo. Umo chiliri chakutowa; Iyo wakayowoya pa dindi, “Wadada, Ine nkhumuwongani Imwe, Imwe mwapulika kale, kweni Ine nkhuwoyoya waka ichi chifukwa cha a wa wayimirira pafupi.” Mukuwona? Iyo wakamanya kale icho Iyo wakati wachitenge. Iyo wakati, “Ine nkburuta kuti nkhamuwuske iyo.”

⁹¹ Sono, ine nkhumanya kulingalira kuti muzi uchoko ula ukatimbanizgika chomene. Wakusakata vyakurya wakaruta, chitima. O, ichi ntchiweme para iwe uli na muzi wachitima panji mtima wachitima, ndipo mbwenu Yesu wakuwonekera pa nyengo yimoza, ndi nthēra chara? Ine nkhumanya kulingalira

kumuwonanga Marita, mwanakazi muchoko wakutowa na chidiko chifipa ku maso kwake, na Mariya muchoko, ndipo iwo wâkorana yumoza na munyake, kuyowoyanga, “Kasi ise tichitenge vichi? Adada na Amama wâli kuruta, ndipo mudumbu withu muweme. . . Sono, ise tawuleka mpingo, ndipo ise tasezgeka kwa iwo, ndipo tafumako kuzakamurondezga Yesu wa ku Nazarete. Ndipo Iyo wafumapo ndipo watileka ise, waruta kumalo kunyake.”

⁹² Ine nkhumanya kumupulika wakusuka wakwiza kufupi wakuti, “Heyi, kasi walinkhu Wamachirisko Ghauzimu yura, Muprofeti yura wa ku Galileya? Kasi Iyo walinkhu sono? Wonani, para iyi nadi yafika nyengo kuti Iyo wachite chinyake, Iyo wakufumapo.” Ichochiri apo. Wonani, Chiuta wakutemwa waka kuchita ntheura, kuzomerezga waka wânthu, mbwenu, kuzomerezga wânthu wawoneske icho iwo wâli, inya, kuwayezganga waka iwo kuti wawone icho iwo wâli nadi. Iyo wakuwâpa iwo thumbiko. Iyo wakuwonekera, kujiwoneska Iyomwene, kujirongora Iyomwene ku wânthu, kuti wawone waka kasi ndi chakuchita uli icho iwo wachitenge, kuti wawone waka icho iwo wachitenge za ichi.

⁹³ Sono, ise tikusanga ntheura, pamanyuma a—mazuwâ ghachoko, mazuwâ ghanayi, Lazaro mukavu wakafwa. Iwo wâkamusunga iyo. Zuwâ lachiwiri, zuwâ lachitatu, zuwâ lachinayi. . . Sono, waliyose wakumanya kuvunda kukuchitika para pajumpha mazuwâ ghatatu: mphuno yikuphwafuka pa chisko, chakudanga. Ndipo pamanyuma kuvunda kukuchitika; mphorozi za chikumba zikuyamba kurya thupi. Iwo wâkamuwika iyo mu dindi, wâkawikapo libwe likuru pachanya pa mphanji uko iwo wâkamuwika iyo. Ndipo nyengo yiriyose kamoza mu kanyengo, wâsungwana wâchichepere wâkarutanga kuwaro na kugwada pasi pa dindi na kulira.

⁹⁴ Ndipo pakati pajumpha kanyengo, nkhani yikafika palipose, “Yesu wafika. Ise tamuwona Iyo wakunjira mu msumba.” O, Marita muchoko yura, uyo wakawâ chomene, mukawonekero, wakuziwulika chomene za ichi, iyo wakasimikizgika pamanyuma icho iyo wakapangika nacho. Apa iyo wakwiza. Iyo wakwiza pa ulendo wake ntheura, wakachimbira kupenjanga. Ine nkhumanya kuwâpulika wânji wâ iwo mu nthowa wâkuti, “Inya, ine nkhusachizga iwe wakhorwa sono, kuti kusopa kwako kukawâ kwautesi.” Marita waka wâzerezga waka iwo ndipo wakarutirira, waka wâjumpha wose wâkususka. Marita wakaruta mpaka iyo wakamuwona Iyo, panyake wakakhala pasi pa kona la msewu.

⁹⁵ Sono, ichi mukawonekero, iyo wakayenera. . . iyo panji wakawâ na mazaza kumususka Iyo na—na kuyowoya uheni kwa Iyo. Chifukwa, iyo ntho wakachimbirirako na kuti, “La wiska kuno, la wiska kuno, Iwe. Iwe ukwenera kuti ndiwe Muprofeti, Munthu wa Chiuta. Ntchifukwa uli Iwe ukafika

chara para ise tikakuchemeska Iwe? Chifukwa, ise ndise wanthu wakusekeka wa m'tawuni sono. Ise tiri kufuma mu mpingo withu kuti tikurondezge Iwe.” Kukawoneka ngati kuti iyo wakaŵa na mazaza. Kweni imwe mukumanya, ngati ndiumo ine nkapharazgira pa, *Mwanamberere Na Nkhunda*, usange ise ndise mwanamberere, mwanamberere wakutaya maufulu ghalighose iyo wali nagho. Uwu ndi unenesko nadi. Iyo nthawi na chinyake kweni weya, nthaura iyo wakwenera kuti wapereke icho. Ndipo imwe mupereke maufulu ghalighose agho imwe muli nagho kuti mumutumikire Chiuta. Uwo mbunenesko nadi.

⁹⁶ Ine nkhasuskanga wanakazi za umo iwo wakavwaliranga malaya ghachoko ghakale agha, imwe mukumanya, ndipo iwo wakati, “Inya, ise ndise—ise ndise wina America. Ise tingamanya kuchita icho ise tikukhumba.”

⁹⁷ Ine nkhati, “Uwo ndi unenesko ndendende, kweni usange iwe ndiwe mwanamberere, iwe ughalekenge maufulu ghako.” Kusutanga ndudu na kuchitanga uheni ngati nthaura, icho ndi chinthu chiheni chomene mwanakazi wakachita. Uwo ndi unenesko ndendende.

⁹⁸ Dona wakayowoya kwa ine, nthawi kale chomene, kuyowoyanga kwa ine, wakati, “Kweni, M'bale Branham, iwo nthawi wakupanga mitundu yinyake ya malaya.”

⁹⁹ Ine nkhati, “Kweni iwo wachali kupanga makina ghakusokera ndipo wakuguriska vyakuwara. Paliye pakugwenthera ku ichi munthowa yiriyose.” Uwo mbunenesko nadi.

¹⁰⁰ Kumbukira, zuŵa linyake, iwe panji ungaŵa mutuŵa kuno kwa mufumu wako, kweni iwe uzamkuzgora mlandu wa chigololo chifukwa cha ichi, nkhanira mwakusimikizga waka: “Waliyose uyo walaŵiskenge mwanakazi na kumukhumbira iyo, wachita kale chigololo na iyo mu mtima wake.”

¹⁰¹ Kasi chachitika ntchichi na wanakazi wa Pentekosite muhanyauno, ndicho ine nkhezizwa. Umo imwe muli kufumirako ku mzere wakale wakujilinganizgako. Umo wamama wina kale wakasungiranga sisi litali, ndipo muhanyauno wanakazi wa Pentekosite wakujipenta ngati gulu la Vidole Vyakupenta, ndipo wakudumura sisi lawo, ndipo wakuwara malaya ghakale ghafupi ngati nthaura, kuyana waka na wanyake wose umo . . . wakuruta kuwara na kukapupa utheka mu baraza kumuhanya, uko wanarumi wakujumpha, kasi iwe ukumanya, wamwanakazi, kuti iwe ukwenera kuti ukazgore pa kuchita chigololo na wanarumi wara? Iwe ukujirongora wamwene kwa iwo pa chakulinga icho. Uwu ndi mzimu uheni pa mpingo na wanthu, ndipo iwo nthawi wakumanya ichi. Ngwakuburumutizgika ndipo nthawi wakumanya ichi. Uwu ndi unenesko.

102 Panyake imwe panji mungayowoya kuti ine ndilije ufulu kuyowoya icho ngati muneni. Inya, ine—ine nkhuvenera kurondezga urongozgi wa Mzimu Mutuwa; ndicho chekha ine ningamanya kuyowoya. Iwe...Usange ine nkhumana na iwe pa cheruzgo, ntheura ine nthā namkuwa na ndopa zako pa mawoko ghane. Fumako ku fundo yiriyose iyo yikuwoneka ngati Satana. Khala kutali na ichi. Fumako ku ichi. Ine nkhuwerera chara kwali mbalinga wakaswiri pa television...Iwe nthā uli kuno, kaswiri pa television; iwe ndiwe mwana mwanakazi wa Chiuta.

103 Nkhapharazga mu tchalitchi la mliska mlenji unyake, za muzga wakale, nyengo apo iwo wakaguriskanga wazga kale chomene. Ndipo iwo wakatemwanga kwiza na kuzakawagura iwo pa malo ghamalonda. Ndipo wanthu wakaŵa, iwo wakatengeranga, kuliranga, chifukwa chikaya chawo chakubabikirako; iwo nthā wazamkurutakoso. Ndipo iwo wakawathyapuranga iwo. Ndipo iwo wakawaguranga ngati ndiumo imwe mukugurira galimoto, pa chirichose waka, mitengo, na kuwaguriskanga wanthu wāra.

104 Ndipo zuwa limoza, wakugura wakiza, wabizinesi, mu likuru lifu-...mu munda ukuru, mphanyiko. Ndipo iyo wakati, “Kasi iwe uli na wazga walinga wamalonda?”

105 Wakati, “Inya, ine ndiri nawo wānji wakuti ndisinthaniskepo.” Iwo wakayezga kutora wakututuwa wāra. Kuwatora wamama wāra, wadada...Usange mwanakazi yoo mwanarumi wakatora wakaŵa mwanakazi wakufokerapo pachoko, wakatora wānarumi wakututuwa wānkhangono aŵa na kuwapanga iwo wagonane na...ngati mahachi na vinyama. Nthā chikaŵa chiweme. Chiuta wakapanga munthu. Munthu wakapanga wazga. Ichi nthā ntchiweme kufuma pa kuyamba, chara. Chiuta nthā wakukhumba kuti munthu waliyose waŵe muzga. Chara, bwana. Ndipo kulije...Wonani icho chikachitika.

106 Ntheura mkatikati mwa chose icho, munthu uyu wakati, “Inya, ine nkhuumba kuti ndigurepo wanyake wa iwo...” Iyo wakawona munthu yumoza wachinyamata kula. Iwo nthā wakamuthyapuranga iyo. Kalezulezu wake wakaŵa muchanya, mutu muchanya, ngati bwana nadi mweneko, kuyandangayandanga. Ndipo wabizinesi yura wakati, “Ine nkhuumba kuti ndimugure iyo.”

107 Iyo wakati, “Kweni iyo wali pa malonda chara.”

108 Iyo wakati, “Inya, chifukwa?” Wakati, “Kasi iyo ndi bwana?”

109 Iyo wakati, “Chara, iyo ndi muzga.”

110 “Inya,” wakati, “chifukwa? Kasi iwe ukumuryeska iyo makora kuruska umo iwe ukuchitira na wanyake wose?”

111 Iyo wakati, “Chara. Iyo wakurya kuwaro kula mu khichini pamoza na wanyake wose. Iyo ndi muzga.”

112 Wakati, “Ntchivichi chikumupanga iyo wakulekana chomene na wanyake wose wa iwo?”

113 Ndipo bwana wakati, “Ine nkhezizwa icho ndamwene kwa nyengo yitali, kweni zuwa limoza ine nkhamanya. Kula mu charu wakababikira, dada wake ndi fumu ya fuko. Ndipo nangauli iyo ndi mlendo kutali na kwake, iyo wakumanya ndithu kuti iyo ndi mwana wa fumu ndipo iyo wakukhala ngati yumoza.” Usange icho. . . Usange munthu wa kubabikira mu Africa wangamanya kuti dada wake ndi fumu, ndipo kudera kuno ndi mlendo mu charu chachilendo wangamanya ndithu kuti kusirya kwa nyanja iyo ndi mwana wa fumu, kasi wanakazi na wanarumi wajisungenge uli iwohene para imwe ndimwe wana wanarumi na wana wanakazi wa Chiuta? Chitani ngati ichi. Nadi. Jisungeni mwaŵene; jitozgeni mwaŵene ndipo chitani ngati wana wanarumi na wana wanakazi wa Chiuta. Ndicho chifukwa, ndi kaŵiro uli.

114 Apa ise tiri. O, Marita muchoko, wakiza wakuchimbira. Iyo wakawoneka ngati kuti iyo wakaŵa a—na nthowa kuti wayowoye chinyake kumususka Iyo. “Ntchifukwa uli Iwe ukiza chara kwa mudumbu wane? Wona icho ise takuchitira Iwe, ndipo Iwe ukutigongoweska ise.” Inya, usange iyo wakayowoyenge icho, nkhani nthena yikamara chara umo iyi yikachitira. Chara, bwana. Ndi umo imwe mukwizira ku chawanangwa Chauzimu cha Chiuta. Usange Chiuta watuma chawanangwa, imwe mukwenera kuti muchifike ichi mwakwenerera. Usange imwe mukukhazga kuti mupokerenge chinyake kufuma ku ichi, imwe mukwenera kuti muchifike ichi mwakwenerera. Ndipo Marita wakamanya icho. Iyo panyake wakaŵazgapo za mwanakazi wa ku Sunemu na mwana wake. Ndipo iyo. . . Usange mwanakazi yura wa ku Sunemu wakamanya kuti Chiuta wakaŵa mwa Eliya, kasi wakaŵamo chomene uli Iyo mwa Yesu? Nadi.

115 Ntheura, iyo wakaruta na mafikiro ghakwenerera. Iyo wakachimbira ndipo wakawa pasi pa marundi Ghake. Ine nkchichitemwa icho! Wakawa pasi pa marundi Ghake ndipo wakati, “Fumu. . .” Uwo ndi udindo Wake wakwenerera. Icho ndicho Iyo wakaŵa. Iyo wakaŵa Fumu yake. “Fumu, usange Imwe mukaŵenge kuno, mudumbu wane nthena wakafwa chara.”

116 O, mwe! O, ine nkhumanya kulingalira kuwonanga mtima Wake ukuru apo Iyo wakamulaŵiska mwanakazi wakutowa yura, masozi kukhiranga mu matama ghake. Wakati, “Fumu, usange Imwe mukaŵenge kuno, mudumbu wane nthena wakafwa chara.” Wonani icho iyo wakayowoya. “Kweni nanga ndi sono, Fumu, nangauli iyo wafwa, nangauli mphorozi za thupi zikukhwaŵa mu thupi lake, nanga ndi sono, Fumu, chirichose

Imwe murombenge kwa Chiuta, Chiuta waperekenge ichi kwa Imwe.”

117 O, icho ndicho chisisi. Imwe panji mungayowoya, “Ine ndiri kuyenda chipatala chirichose. Dokotala wakuti ine ndifwenge, kweni nanga ndi sono, Fumu...Ine ndiri kupundukwa kwathunthu na kuphwanya viwangwa; ine nkhutondeka kuyenda, kweni nanga ndi sono, Fumu...”

118 Mwana muchoko yura wakaŵa wakutupa mutu wose *ntheura* usiku wamara. Palije icho imwe mungachita. Iyi yingamanya kupwalarikira kuwaro na kuphuliska mutu wake uchoko na kufwa, “Kweni nanga ndi sono, Fumu...” Iyo ndi Chiuta ndithu mweneyura. Iyo ndi Fumu ndithu yenyira. “Nanga ndi sono, Fumu...” Ndipo Iyo wakhala ku woko lamaryero la Chiuta Mwenenkhongono, kupanganga maŵeyerero pa vinthu ivyo ise tikuyowoya kuti Iyo wali kutichitira ise.

119 Sono, ine nkhopulika usopisopi chomene. Nadi nkuchita. Imwe munichemenge ine mutuŵa wakunyanyira munthowa yiriyose, *ntheura* imwe panji mungamanya kuyambapo, ndipo chitani mwakukwanira ichi.

120 *Ntheura*, inya, bwana, “Nanga ndi sono, Fumu, chirichose Imwe murombenge kwa Chiuta, Chiuta wachitenge ichi.”

121 “Rombani Ŵadada chirichose mu Zina Lane, Ine ndichitenge ichi,” Yesu wakayowoya.

122 “Nanga ndi sono, Fumu, chirichose Imwe murombenge, Chiuta waperekenge ichi kwa Imwe.” O, icho chikwenera kuti chikagubuduzgika mu mtima Wake ukuru.

123 Iyo wakati, “Mudumbu wako waŵengeso wamoyo.”

124 Iyo wakati, “Inya, Fumu. Iyo waŵenge wamoyo. Iyo wakaŵa mnyamata muweme. Iyo wazamkuwuka mu chiwuka cha waliyose pa zuŵa laumaliro.” Ŵayuda ŵara ŵakagomezga mu chiwuka cha waliyose. “Iyo wazamkuwuka mu chiwuka cha mazuŵa ghaumaliro.”

125 Muwoneni Iyo. Iyo wakajiguzira Iyoyekha pamoza. Iyo wakati, “Ine ndine Chiwuka na Umoyo.” O, mwe. Ntha wakaŵako munthu kale uyo wakamanya kuyowoya ngati *ntheura*. Ntha wazamkuŵako yumoza kunthazi, wangamanya kuyowoya ichi. Iyo ndi Yekha pera uyo wangamanya kuyowoya ichi. “Ine ndine Chiwuka na Umoyo,” yikuti Fumu. “Iyo uyo wakugomezga mwa Ine, nangauli iyo wangafwa, kweni wazamkuŵa wamoyo. Ndipo uyoyose ngwamoyo ndipo wakugomezga mwa Ine ntha wafwenge. Ukugomezga iwe ichi?”

126 Iyo wakati, “Inya, Fumu.” O, iyo wakamanya chinyake chikaŵa pafupi kuchitika. Wakwenera kuŵa.

127 Para chipulikano kufuma mu mtima uneneska chakumana na Chiuta, mino ghara ghakwiza waka pamoza ngati *ntheura*.

Chinyake chikwenera kuti chichitike. Ine nkhubechera gulu ili usiku uwu, mu Zina la Yesu Khristu, zomerezgani chipulikano chinu chilumikizane na Chiuta ngati nthaura, mu maminiti ghachoko ise tiwenge na Pentekosite munyake. Muwenge chisisimuso chikuru chichitikenge mu tawuni iyi, nthu muwenge wapolisi wakukwanira mu charu kuti wawakhazike chete iwo. Uwo mbunenesko. Muwenge chisisimuso cheneko. “Nanga ndi sono, Fumu. . .”

128 “Inya, Fumu, ise tazizikika pa *ichi*; ise tachita *ichi* ndipo tikachita *icho*.” Ine nkhubwerera chara icho imwe mwachita, “Nanga ndi sono, Fumu. . .” Iyo wakulindizga imwe kuti mucheme pa Iyo. Iyo. . . “Ukugomezga iwe ichi?” Nadi. Inya, bwana. Nanga ndi sono, chirichose Imwe mumurombenge Iyo. . .

129 “Kasi imwe mwamuwika nkhu iyo?” Sono, Iyo wakuruta kusika ku dindi. Iyo wakaŵa munthu mwakufikapo kuti walire; Iyo wakaŵa Chiuta mwakufikapo kuti wawuske wakufwa.

130 Kuno nyengo yinyake kale, mwanakazi uyo wali mu gulu linyake la wanthu. . . Ine nthu nkhubanga ichi chizgoŵezi kuyowoya ichi za mabungwe. Kweni mwanakazi uyu. . . Iwo nthu wakugomezga kuti Yesu wakaŵa Wauzimu. Iwo wakati Iyo wakaŵa waka muprofeti. Sono, Iyo wakaŵa. . . Usange Iyo wakaŵa waka muprofeti, ise tose tiri mu kwananga. Iyo panji wakaŵa Chiuta, nthu chinyake kuchepera pa Chiuta, panji mupuruski mukuru chomene charu chikaŵapo nayo. Uwo mbunenesko. Iyo wakaŵa wakuruska munthu. Mwanakazi wakati, “Iyo wakaŵa Wauzimu chara.”

131 Kuli wanandi chomene wanthaura mu ivangeli ili la ntchezgo muhanyauno; kuyezganga kumupanga Yesu Khristu muprofeti. Chifukwa, Iyo wakaŵa Chiuta wa waprofeti. Nadi Iyo wakaŵa.

132 Mwanakazi wakati, “Ine ndisimikizgirenge ichi kwa iwe mwa Baibolo, ‘Iyo wakaŵa waka munthu.’”

133 Ine nkhati, “Iwe chita ichi.”

134 Ndipo iyo wakati, “Para Iyo wakaruta ku dindi la Lazaro, Baibolo likati, ‘Iyo wakalira.’ Iyo wakayenera kuŵa muthupi panji Iyo nthu wakalira chara.”

135 Ine nkhati, “Dona, kasi ilo ndilo Lemba lako?” Ine nthu nkhang’anamura kuŵa wakunyoza apa kuti ndiyowoye ichi, kweni ine ndimuphalireninge imwe icho ine nkhamuphalira iyo.

136 Iyo wakati, “Ndicho ichi.”

137 Ine nkhati, “Fundo iyo njambura kukhora kuruska msuzi wakupangika kufuma ku chizgezge cha nkhu iyo yikafwa na njara.” Ine nkhati, “Inya, iwe—iwe ulije chinthu chimoza chakuti uyimirirepo.”

138 Iyo wakati, “Chifukwa, Iyo wakalira. Icho chikawoneska kuti Iyo wakaŵa muthupi.”

139 Ine nkhati, “Iyo wakaŵa vyose muthupi na wambura kufwa. Iyo wakaŵa Chiuta mu thupi.”

140 Iyo wakati, “O, kupusa!”

141 Ine nkhati, “Iyo wakaruta ku dindi wakulira. Uwo mbunenesko nadi, kweni para Iyo wakati wanyunthira muchanya Wake uchoko...” Baibolo likati, “Ntha pakaŵa vinandi vyakuti mungalaŵiska pa Iyo; pakaŵavye kutowa ise tikamanya kumudokera Iyo.” Kweni para Iyo wakati waponya mapewa ghachoko ghara kunyuma ndipo wakati, “Lazaro, uka,” ndipo munthu uyo wakaŵa wakufwa mazuŵa ghanayi ndipo wakavunda mu dindi, iyo wakawuka. Yura wakaŵa mukuru kuruska munthu. Muniwoneske ine munthu uyo wangamanya kuchita ichi. Kasi ichi chikaŵa chivichi? Chivundi chikamumanya Bwana wake. Umoyo ukamumanya Mlengi wake. Chinyake chikayenera kuti chichitike. Iyo wakayowoya ndipo munthu uyo wakafwa ndipo wakaŵa mu dindi mazuŵa ghanayi, wakawukaso, ndipo wakayimirira pa marundi ghake, ndipo wakaŵa wamoyo. Haleluya! Yura wakaŵa Chiuta mwa Mwana Wake. Inya, bwana. Yura wakaŵa Chiuta kujivumbura Iyomwene kwizira mwa Iyo, Mwana. Yura wakaŵa Chiuta kuyowoyanga, ntha munthu.

142 Iyo wakaŵa munthu para Iyo wakapenjapenja pa khuni lira zuŵa lira kupenja chinyake chakuti warye. Yura wakaŵa munthu. Kweni para Iyo wakati watora mabisiketi ghankhonde na somba ziŵiri ndipo wakaryeska fayivi sauzandi, yura wakaŵa mukuru kuruska munthu. Yura wakaŵa Chiuta kuŵaryeskanga iwo mwenemula. Iyo wakaŵa mukuru kuruska muprofeti, mukuru kuruska munthu, Iyo wakaŵa Chiuta-Munthu. Nadi.

143 Iyo wakagona kunyuma kwa boti lichoko lira usiku ula, ndipo nyanja yikalipanga ndipo likadukanga ngati chijariro cha pa botolo kuwaro kula mu nyanja yankhongono yira, apo viŵanda teni sauzandi vya pa nyanja vikalapizga kuti vimubizgenge Iyo usiku ula. Iyo wakaŵa munthu, wakufoka ndipo wakavuka kufuma pa kurombera ŵarwari, wakagona kunyuma kula; ndipo mphepo ntha yikamutimbanizga Iyo. Iyo wakaŵa munthu para Iyo wakagona tulo, kweni para Iyo wakati wawuka, wakadyaka rundi Lake pa chingwe cha boti, wakalaŵiska kuchanya, ndipo wakati, “Mtende, khala chete,” ndipo mphepo na majigha vikamupulikira Iyo, yura wakaŵa mukuru kuruska munthu. Yura wakaŵa Chiuta mwa munthu, kujivumbura Iyomwene. Uwo mbunenesko.

144 Iyo wakaŵa munthu pa mphinjika para Iyo wakalirira lusungu. Para Iyo wakalira ndipo wakati, “Ine nkhopulika nyota,” yura wakaŵa munthu. Para Iyo wakafwa, Iyo wakaŵa munthu, kweni pa mlenji wa Chiwuka para Iyo wakadumura mikusa ya nyifwa, gehena, na dindi, ndipo wakawukaso,

Iyo wakaŵa mukuru kuruska munthu: Ichi wakaŵa Chiuta kuwonekera. Ndicho chifukwa mlembi wakati:

Kukhala wamoyo, Iyo wakanditemwa ine;
 kufwa, Iyo wakandiponoska ine;
 Kusungika, Iyo wakanyamulira zakwananga
 zane kutali;
 Kuwuka, Iyo wakandirunjiska kwaulere
 muyirayira:
 Zuŵa linyake Iyo wafikenge—O, zuŵa
 lauchindami!

¹⁴⁵ Iyo wakati, “Pakuti Ine ndiri wamoyo, imwe muliso ŵamoyo. Iwe ukugomezga ichi?” Iyo ndi mweneyura mayiro, muhanyauno, na muyirayira. Iwe ukugomezga ichi? Ine nkugomezga Mzimu Mutuŵa wali nkhanira muno sono. Iwe ukugomezga ichi? Ine nkugomezga Iyo watizuzenge ise na Kuŵapo Kwake. Iwe ukugomezga ichi? Ine nkugomezga Mzimu Mutuŵa wakukhumba kuti wapungure Kuŵapo Kwake, kuchizga ŵarwari wose, kupanga ŵanthu wose awo ŵalije Mzimu Mutuŵa ŵazuzgike. Iwe ukugomezga ichi? Kasi imwe mukugomezga na mtima winu wose? Tiyeni tiyimirire ku marundi ghithu ndipo timupe Iyo marumbo. Ine nkugomezga Iyo wafikenge nkhanira sono pa ise.

¹⁴⁶ O Fumu Chiuta, Mlengi wa kuchanya na charu chapasi, Chata wa Umoyo Wamuyirayira, Mupi wa chawanangwa chirichose chiweme, ise “Tikugomezga ise ichi,” Fumu. Ise tikugomezga kuti yura Ndimwe muno mu ungano. Ise tikugomezga kuti yura Ndimwe uyo wakutumbika mauzima ghithu. Ise tikugomezga yura Ndimwe uyo wakupungulira Mzimu Winu pa ise. Ise tikugomezga kuti Imwe ndimwe mweneyura mayiro, muhanyauno, na muyirayira. Ise tikugomezga Imwe muli ŵamoyo muyirayira ndipo mazina ghithu ghali kulembeka mu Buku la Mwanamberere Wamoyo. Kuchanya kose na charu chapasi vimarengwe, kweni ise tizamkukhalirira muyirayira, chifukwa Imwe mukukhalirira muyirayira. Fumu, Imwe mukalayizga ichi kwa ise. Ise tikugomezga ichi na vyose vya mtima withu. Chirichose chiri mwa ise, ise tikugomezga ichi, Fumu. Ine nkhumutemwa Iyo, ine nkhumutemwa Iyo.

¹⁴⁷ Kasi imwe mukugomezga Iyo? Ine nkugomezga icho ndi Mzimu Mutuŵa. Pali Chinyake chikuwa pa ise. Iwe ukugomezga ichi? Ine nkugomezga Iyo wakukhumba kuti wachizge munthu waliyose sono nthena. Iwe ukugomezga ichi? Kwegani mawoko ghinu kwa Iyo. Yimirani pa marundi ghinu. Iwe ukugomezga ichi? Mzimu Mutuŵa wali muno. Ichi ndi Chira! Petros wakati, “Ichi ndi Chira.” Ichi ndi Ichi, Mzimu Mutuŵa.

¹⁴⁸ O Fumu, Mlengi wa kuchanya na charu chapasi, tumani nkhangono Yinu, na vitumbiko Vyinu, na uweme Winu pa

wanthu aŵa, ndipo tumbikani mitima yawo, ndipo zomerezgani iwo wawone kuti Mwana wa munthu ngwamoyo muyirayira. Perekani ichi, O Fumu. Ise tikuŵapereka iwo kwa Imwe, mu Zina la Yesu Khristu, Mwana wa Chiuta.

¹⁴⁹ Walipo munyake walije Mzimu Mutuŵa, kwezgani muchanya mawoko ghinu ndipo murumbeni Chiuta. Ine nkhugomezga Iyo wafikenge pa imwe. Wamunyake ŵika mawoko ghako pa iwo. Ora ndi ili. Kasi ise tilindizgiregechi nyengo yitali? Nyengo ndi iyi. Iyi ndi nyengo ya Pentekosite, kuwereranga kwa Chiuta. Khalani makora na Chiuta, Pentekosite! Torani mtima winu usanguruskiye na nkhongono ya Chiuta wamoyo. Zomerezgani Mzimu Wake unjire mwa imwe, kuzuzganga mauzima ghinu. Iyo wali muno usiku na usiku, muno kuti wachizge ŵarwari, kupereka kulaŵiska ku ŵachiburumutira, kwizira mu likuru na uzari wa nkhongono zikuru Iyo wakujisimikizgira Iyomwene kuti kunyengo zambura kumara ndi mweneyura. Haleluya!

¹⁵⁰ Murumbeni Iyo. Kwezgani mawoko ghinu. Ruwaniko uko imwe muli; manyani waka kuti imwe muli pafupi na Iyo, na uweme Wake, na uchindami Wake, na nkhongono Yake, ndipo lusungu Lwake lukukhalirira muyirayira. Iyo muyirayira ndi mweneyura. Litumbikike Zina la Fumu. Haleluya! O, rumbani Zina Lake Lituŵa.

¹⁵¹ O, mwe kunozga, umo Iyo waliri wankhongono. Kasi ndimwe ŵalinga mukukhumba kuti mupereke maumoyo ghinu kwa Chiuta sono nthenda, kamosaso? Kwezgani muchanya woko linu. Kasi ndimwe ŵalinga mukukhumba kuti mupereke maumoyo ghinu kwa Chiuta? Ndicho ichi. Kwezgani muchanya mawoko ghinu. Tiyeni tiwone Pentekosite. Tiyeni tiŵawone wanthu ŵa Chiuta. Ine ndikwezgenge woko lane. “Fumu, ine ndiri pano. Nditumeni ine.” Ntheura torani Mungelo na makala kufuma pa jotchero ndipo tumani nkhongono Yinu pa ise, Fumu. Chiuta, perekani ichi mu uzari wa Mzimu Winu, O Ŵadada. Pulikani kuromba kwithu, O Fumu. Pulikani kuromba kwithu, ngati ŵana ŵakugomezga awo ŵakuyimirira. Litumbikike Zina Linu.

¹⁵² O, ngati majigha gha uchindami kumbotokanga, o, mathonyezi gha jumi gha lusungu. O, warumbike Chiuta. Nkhuromba mauzima ghithu ghalindizge. Iwe ukugomezga ichi? Iwe ukugomezga ichi? Uwu ndi Mzimu Mutuŵa uwo wafika. Iyi ndi nkhongono yira yambura kuwoneka iyo yikutinjizga ise mu Ufumu wa Chiuta, vitumbiko vya Pentekosite. Wererani ku nyumba. Imwe wakumulindizgani ku nyumba. Imwe ndimwe wanthu ŵakuzirwa. Chiuta wakukhumba imwe kuti mujipereke mwaŵene. Mwaŵanakazi, jitozgeni mwaŵene. Mwaŵanarumi, jitozgeni mwaŵene. Tiyeni tiyambeko kuwerera kwa Chiuta ndipo timutumikire Chiuta na mtima wakuphotoka nadi.

153 Murumbeni Chiuta, Mzimu Mutuŵa wali mu ungano. Chitani waka icho imwe mukurongozgeka kuchita. Zomerezgani waka Mzimu Mutuŵa wafike pa imwe. Paliye icho ine ningamanya kuyowoya. Ine nkhumanya chara chakuti ine ningayowoya sono. Mzimu Mutuŵa wali waka palipose mu nyumba. Litumbikike Zina la Fumu. Marumbo gharute kwa Fumu. O, Haleluya! Haleluya! Marumbo gharute kwa Fumu. Rumbani Fumu. Mwe kunozga, mwe uchindami. . . Mwe kutowa, mwe kunozga marumbo gha ŵatuŵa ŵa Chiuta pa nkhope zinu, pa Kuŵapo kwa Mzimu Mutuŵa muno kuyendanga na kutiwoneskanga ise uchindami Wake kufuma mu gulu likuru ili mu kuzomerezgana kumoza, kurumbanga Zina Lake.

154 Ng'anamukani zgokani ndipo koranani chasa na munyake, yowoyani, "Yirumbike Fumu, m'bale. Yirumbike Fumu, mlongosi." Tiyeni tichitepo kanthu ndipo tiyeni tizomerezge Chiuta watisanguruske ise. Yirumbike Fumu. Uwo mbunenesko. Mose imwe ŵa Methodist, na ŵa Baptist, na ŵa Prezibetere, ŵa Pentekosite, na ŵa Seventh Day Adventist, na chirichose imwe mule, koranani chasa yumoza na munyake mu Kuŵapo kwa Fumu Chiuta. Ndicho ichi. O, Haleluya! Haleluya! Haleluya! O, ine ndiri wakukondwa chomene ine ndiri yumoza wa iwo. Ine ndiri wakukondwa chomene. O, kubwanganduliranga pasi vipupa, kuponyanga kuwaro vyawakawaka. Uchindami! Wanangwa mwa Fumu, kurumbanga Zina Lake lituŵa. . . Litumbikike Zina la Fumu. O, Haleluya! Rumbani Chiuta.

155 O, ine nkhutemwa waka kuwona icho: ŵanthu kukorananga chasa yumoza na munyake na kuŵaliskanga nkhope zawo. Nkhongono ya Chiuta kuyowoyanga, "Ndicho ichi. Ndicho ichi, ise ndise ŵana ŵa Chiuta. Ise tose ndise mpingo umoza ukuru, munthu yumoza mukuru mwa Khristu Yesu, Mkwatibwi Wake, Yumoza wauchindami." Kwiza kwa Fumu kukusenderera kufupi. Ŵanthu Ŵake ŵakwiza pamoza na kutemwananga iwoŵene. . . na chitemwa na nkhangono ya Kuŵapo Kwake. O, ichi chiri ngati Kuchanya. O, ichi ntchiweme. Amen. O, mwe uchindami, mwe kunozga: kuyisopanga waka Fumu mu Mzimu na mu nkhangono. Nyengo yantheura. (Kula kukaŵa kumalizga; ise tikuyamba.)

156 Ntha uliko waka. . . Ine nanguŵaphalira ŵabale, "Ŵabale, kulije malo kuti tiyime." Kulije malo kuno kuti. . . Ise ntha tikuyamba, nthaura ise ntha tikuyima. Mbwenu—kunozga waka. . . Kasi mbalinga ŵakupulika makora chomene? Kuŵapo waka kwa Fumu, o, mwe, ichi ntchiweme, Kuŵapo kwa Fumu muno.

157 Sono, Kuŵapo kwa Fumu kuli muno kuti kuchizge ŵarwari, kupanga ŵanthu ŵamusuma. Mugomezgeni waka Iyo. Kasi imwe mukumugomezga Iyo? Usange ise tingamugomezga Iyo, vinthu vyose ndi vyamachitiko. Imwe mukugomezga icho? Kasi imwe mukugomezga kuti uko ndi Kuŵapo kwa Fumu?

158 Sono, apo imwe...Mundipeko waka ine kanyengo, kanyengo waka sono, ndipo tegherezgani pa kanyengo waka. Rekani ine ndimusimikizgireni imwe kuti ichi ndi Mzimu Mutuŵa apa. Rekani ine ndimuwoneskeni imwe kuti Mzimu Mutuŵa, Yumoza mweneuyo wakuyowoya, Yumoza mweneuyo wakuchita chinthu, wakumanya icho. Kasi mbalinga ŵali muno sono, awo ŵafika muno mbarwari? Tiyeni tiwone mawoko ghinu. Iwo ŵeneawo ŵanguŵa na urwari...Muli ŵanthu...

159 Kuli munthu wayimirira uko. Kasi iwe ukugomezga, bwana? Kulije makadi ghamapemphero ghaperekeka, kweni kasi iwe ukugomezga kuti Chiuta wangakuchizga iwe? Kasi iwe ukugomezga Iyo wangamanya kundiphalira ine suzgo lako? Ili liri kulwandi kwako. Iwe ŵamkukupanga opareshoni. Uwo mbunenesko. Zina lako ndiwe Mr. Cartwright. Uwo mbunenesko. Ndi unenesko uwo? Yendeska woko lako. Viri makora. Ruta ku nyumba ndipo ukakhale makora, iwe nthu ukukhumbikwa ichi. Iwe ukugomezga ichi?

160 Mwanarumi yura wakolera mwana mu mawoko ghake, iwe ukundigomezga ine kuŵa muteweti wa Chiuta? Iwe ukugomezga ichi ndi Mzimu Mutuŵa? Ine nkhumanya chara iwe, ndi unenesko uwo? Ntha ndiri kukuwonapo iwe mu umoyo wane; ise ndise ŵalendo. Kasi iwe ukugomezga Mzimu Mutuŵa wangamanya kundiphalira ine icho chasuzga na mwana uyo? Wali na twakuphwaraphwatuka. Uwo mbunenesko. Ndi unenesko chara uwo? Nadi. Iwe nthu ukufumira kuno. Chara. Iwe uli na suzgo la munthumbo, iwe ukusuzgika nalo, wamwene. Uwo mbunenesko, ndi nthaura chara? Iwe ukufumira ku Msumba wa Kansas. Viri makora. Weranga, Yesu Khristu wakukuchizga iwe. Haleluya! Iwe gomezga. Kasi iwe ukugomezga ichi na mtima wako wose?

161 Apa pali Mungelo wa Fumu, wayimirira pachanya pa muchoko uyu—mwanakazi wakughanda pachoko, wakuwoneka mularako, wakhala nkhanira muno, wakusuzgika na mchira. Iwe ukugomezga Chiuta wakuchizgenge iwe ku mchira ula, mlongosi? Iwe, na luŵa lichoko liswesi pa chipewa chako, kwezga muchanya woko lako. Viri makora. Rutanga kunyumba ndipo ukaŵe makora. Amen. O, ichi ndi Chiuta; ichi ndi Khristu Mwana wa Chiuta. Iyo wali kuwuka ku ŵakufwa. Iyo wali muno.

162 Sono, ŵikani mawoko ghinu pa yumoza na munyake ndipo perekani waka nyengo yiweme ya kuromba, waliyose wa imwe, apo ine nkufumba munyake kuti wafike kuno. Zanga kuno, m'bale. Apo imwe mwaŵika mawoko ghinu pa yumoza na munyake kuwoneska kuti Chiuta wakuchizga nakoso, ine ndiri na m'bale apa kuti wapereke lurombo naloso. (Yambako. Viri makora.) Marumbo gharute kwa Fumu Chiuta.



IWE UKUGOMEZGA ICHI? CTK60-0402
(Believest Thou This?)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi Chisulo, Epuleru 2, 1960, pa Municipal Auditorium mu Tulsa, Oklahoma, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na wa Voice Of God Recordings.

CHITUMBUKA

©2018 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org